

悅
親
樓
詩
集

悅親樓詩集卷十五

起甲辰十月訖乙巳五月

海寧祝德麟止堂

古今體詩七十三首

憶越遊四首

遊榭當年入鑑湖登臨懷古重躑躅九州玉帛陳王會
百里山川起霸圖明德祚猶絲似姓今奉祠者猶爲大禹苗裔美人
計已沼姑蘇傷心誰弔攢陵曲一本冬青樹亦枯

平隄綠漲繞重城閒放烏篷出郭輕越女虛聞天下白

山陰眞在鏡中行紅牆冷壓孤松色

調南鎮

翠壁轟傳萬

斧聲

謂繞門山

最是全家齊上冢畫船簫鼓過清明

天鏡樓高著

直畧切

嘯歌

樓在鼓山之半

晨昏闌檻幾憑過萬家

廬井炊烟接十里河橋燈火多為礙看山僧截竹偶求
潤筆客籠鵝二句乃實事自還香案仙班後欲說蓬萊語恐

譌

談經豈敢踞文茵緬想前賢學術醇勝代衣冠多死節

講堂名義勸為人書院為劉念臺先生證人舊社兩行栗主淵源遠劉公

祠在山後從祀自祁忠敏公而下凡十人先開美公與焉一瓣香烟俎豆新夢裏神

芭哀怨曲記曾薰沐薦蘩蘋

述哀

親知近多故哀誄筆幾禿誰料門祚衰流災到吾叔吾
叔誠不癡經籍蘊滿腹御甘作齊民欲以遠寵辱孤悖
必汎愛衣食自減縮精心課桑麻憂時祝豐熟嗟余早

裕行學語迄就塾先子遊四方母兮勤鞠育叔時實無
兒珍護過珠玉五經四子書寒燈授我讀洎應童子科
年纔及總角天雨盛霖潦背負跣兩足買飯來飼我自
退食齋粥提攜從幼苦期望到老篤勉我學聖賢祈我
官令僕可憐樛櫟材無一副所勗以此慙報施匪徒悲
骨肉皇天有老眼垂暮得嗣續呱呱三歲兒如鳥初脫
殼將取來京師庶幾便撫畜長途畏蛟虎寒暑又慘酷
歸田尚無期哺養託宗族存亾去住間寸心攢箭鏃一
語慰九原終當姜被宿老成日凋喪踵謝益奇毒從父
公於二月先人同氣親存者要餘孰惟叔素強飯謂可
閒先沒幸潛 耄老卜未嘗以病告胡爲遽賦鵬古人期功喪罔有不

匍匐未能棄官奔輾轉痛增慙噩夢是耶非南嚮為位
哭哀歌不成章滂沱淚盈矧

冬蟲夏草詩 并引

姬友葉辛旌善論詩余每過從必辨難終日今年
夏君病瘖自是不復談易簣前七日余往問病君
倚壁危坐忽指案上函封曰此絕妙詩題也蓋賦
之余不知所謂其子紹樞侍側啟緘示余則所謂
冬蟲夏草者君既歿余亦哀感叢集卒卒未暇也
今圍爐無事追念前語補綴成篇昌黎云爾雅注
蟲魚定非磊落人况素乏淹通豹隱未識髣髴俾
揣聊以誌不忘云爾

儲藥滿籠中曾不救一死慨從亾友案怪產得諦視咄
哉此何物動植互頂趾以草爲冠纓以蟲爲屣履炎天
蔚青青謂是常卉耳及乎坏戶辰潛蟄泥沙底明年新
芽茁莖葉又霍靡握之察其根乃卽蠢蠕是化機太狡
猶疇能測所以物數號有萬儒生見聞鄙橘蠹蝶忽翻
蠶蛹蛾忽起輪迴雖示幻委蛻尙有理鼠鴛及鷹鳩蛤
雀與蜃雉同爲血氣倫應候變形體松沈水作石橋隄
淮爲枳或緣山靈異或由地轉徙其或尋影響約略出
摹擬小兒啼人稜靈犬吠枸杞擬之皆不倫徵引漫譎
詭韓子詠樹雞特取其形似謫仙吟白頭亦以名稱指
太白詩如何青草裏亦有白頭翁蓋此獨二而一非草
謂白頭翁本鳥名今草亦有此名也

復非豸吳王鬪未經周公釋未齒桐君錄未譜陸璣疏
未紀問之何所用藥裹供佐俸設遇金刀傷刮骨療創
瘡亮無封侯業底事富藏皮問之何自來云從甘涼里
之邦地氣殊土產恰有比殺耗種骨生鳥鼠同穴止

題查映山編修泛查圖

昔人乘槎逐海鷗齋糧不計叟與郵

海中計程日夏

天空月闊

隨波浮神山仙島邀勿畱忽然津逮犯女牛張華博物
紀載搜誰歟傳會博望侯斯言千載空繆悠君家世籍
蓬頂修雄才搖筆韓蘇遭胸中溟渤吞九州下視餘子
眞涔湫一釣應連鰲六頭新從桂管檄楠收
君視學粵西初歸
歸朝仍厠班馬儔乃獨逸興陵滄洲圖成茫惚令我愁

拍空高浪侵之杲杈柯古木點一漚醉臥不知何所投
岸邊紅糝青枝稠迴非素節驚秋攀此景此理殊難求
我與君俱家海陬雞犬相聞村落幽如雲桑柘遮碧油
天桃弱柳春風柔杖藜隨處堪夷猶鷹窠嶺名雞鳴噉寺
樓寸岑乃與日觀侔洪濤塵天三疊激潮聲夜半鯤篋
禍曷不相約營菟裘與君濯足萬里流騎鯨跨鯉汗漫
遊乘興一訪銀河秋

節臨冬至盆菊未凋漫賦

昔年東坡在海外冬至邀客作

去聲

重陽嶺南地氣恆煖

燠不必九日花開黃吾鄉白頭老供奉

查初白

歲闌瓶菊

餘芬芳退朝喜氣動顏色聯珠疊璧吟成章我今空齋

賞寒藥菽灰令節逢履長韜精斂采若有待問花爲孽
將爲祥花言我負貞介姿豈有妖異違其常如君願望
久錄錄欲呈嘉瑞誰爲臧君其善保遲暮德我亦深荷
滋培良相與落拓作中隱天寒對我傾一觴

三良詩

宣尼惡作俑秦穆殉三殤用人且不可而況殺其良哀
哀黃鳥詩千載爲悲傷後來詠其事仲宣陳思王大蘇
亦繼作穿冢比田橫議論皆可喜事理殊未詳君爲社
稷死臣則從之匹考終乃恆理未聞相隨戕杯酒戲言
要何必矢不忘太山鴻毛閒輕重寧未量匹夫溝瀆信
安足當賢明臨穴共惴慄意氣非激昂誰云捐軀易甘

心罹禍殃旨哉從亂命厥罪歸嗣襄暴君違所欲聖哲
慎其防數傳并天下營葬驪山旁弩機坑萬人事勢益
披猖力政固稔惡詒謀要未臧

古風

佳人坐蕙閣中夜理瑤琴揮手善揚抑指法清且深一
彈駟馬仰再鼓鸞凰吟絲桐具妙感哀樂隨人心故怨
知者希徽軫有餘愔幽蘭自芬芳無人空谷陰明珠生
蚌腹與月相浮沈琴德良足貴何必求賞音

雜詩七首

志士惡膏粱蓼蟲避葵荏艱難盜寸祿盡室仰食飲本
爲貧而仕仕而貧益甚同官皆類我緩急將誰諭農夫

負耒耜每歲望豐稔地瘠澤又稀何時高我廩糴袍衣
做薄豈不愁瘠瘁田方狐白裘溝壑亦當審生成
君父德受之可安枕憑教依末光終勝拾殘瀟

昌黎宦卅載列屋欣華居南榮及北堂內外咸秩如誇
張示兒曹誘令學行儲言雖近榮立志亦堪歎歎我今
官廿年未營宅一區僦居湫隘中乃得安琴書清風入
我室明月照我廬負郭固窮陋時迴長者車主家操券
責月計良有餘黽勉納租稅免使勞追呼南鄰世習艱
食業不可驅墮牆勿容直苟僂亦聽諸無以遺子孫卽
此是良謨

女蘿附喬松浮萍依深水蒙戎引蔓長蔥蒨聚族美一

朝事會乖高深失所恃松摧蘿亦倒水涸萍隨死松有
歲寒姿水有盈科理久長且不保榮悴難憑已何況兔
絲草顛倒蓬麻衰何況蠶蟻衣汨沈潢潦底

雞黍具范張軒車駕嵇呂郢跡傷質殞吳劍愜心許古
人重久要定交非莽鹵既交徹死生豈惟共甘苦自從
友道衰一身若寒暑昔爲逐龍雲今爲覆手雨翟門有
盈虛廉館有散聚蹇驢當路歎葛屐方冬楚柰何冠裳
倫操行同市賈所以於陵子終身甘獨處

士生一世閒各懷不朽事功業無可見專意立文字天
才騁秀華人巧苦心志悠悠千載名當局談何易緬維
秦漢來著述恆沙積作者非一人傳者非一世文人樂

攀附往往驚權貴不顧名教羞以文爲獻媚其或強之
成欲拜賢者賜偶因隻字失亦滋萬口議篇籍豈不偉
至今猶唾棄將軍西第頌丞相南園記

聖人示道要渾噩語不繁後儒欲闡發動輒千萬言聖
人意轉晦糟粕徒瀾翻周詩三百篇美惡固竝陳鄭風
風刺章盡目爲淫奔大儒見尙爾其他安足存是知六
籍外卮說盡可刪琴聲含羽徵不在朱絲弦淵明識此
妙此妙今不傳

癡人慕沖舉燒煉丹巖厓欲求不死藥超然遺氛埃萬
古何茫茫天地一劫灰偃佺及松喬至今安在哉神山
五百年誰能見其開石髓得風疑去聲想同砂礫胚嵇康

固天質王烈亦凡才不如開笑口終日傾芳醕與人既
無爭與世還無猜卽此是真仙何必巢蓬萊

得甌北先生書云昨過潤州見夢樓相與道足

下蹤跡悵望者久之先是趙映川

懷玉

歸毘陵

麟以庚子以來近稟寄質竝請先生點定後付
夢樓評閱師弟朋友數千里外眷眷之意有若
相印合者爰賦是篇

疎林漠漠籠寒月遊子嚴裝中夜發一編附寄蛩蟀吟
要乞神丹補黥別歸人在途書在緘客心飛越逐征銜
臨風忽枉雙魚信云駐南徐訪戴帆太邱閑過高陽宅
賓主心期稱莫逆酒酣搔首敘平生卻話長安躡宦跡

往歲吳船驀地逢，悲離訴別太怱怱。每因夜雪思門外，常對春風憶座中。倉庚罷囀飛鴻響，江水波深浦水廣。冰廳退直自沈吟，夢境相逢都儻恍。尺素憑通句浪傳，江南江北思綿綿。平山堂上歐公逸，時先生方主揚州書院齋頭米老顛。

雪意

嬌鴉謹噪作團飛，暝色沈沈壓客衣。只爲尋詩延佇久，溪邊人正釣魚歸。

哭南雷三首

今年慣哭人龍蛇，歲行惡凡我所哭者君。皆肺腑託

謂魚

門耦堂辛

祖臘將發春庶幾，哀易樂豈期更甚之又見。

一个弱奪我膠漆友獵獵卷風揮使我形影單天亦太
酷虐君本豐碩軀忽邁文園瘠瘠飢粟咯血帶圍日瘦
削謂當善調護尙可冀矍鑠柰何倉卒問咄醋不可藥
結交廿四春光景譬如昨有花必同賞無酒不共酌家
山及宦邸記憶歡愁錯從今季布死誰與信聲然諾

四座驚孟公萬事咨伯始陳遵焉得客胡廣何弗理當
君壯盛時氣燄足披靡儕輩半結鞵公卿咸倒屣大戶
三雅量長鯨吸川似滿席玉山頽危峰獨孤峙一腔灑
熱血見義勇不止親交遇急難悉意爲經紀所以舉世
人皆樂與之邇自遭太公喪奉母居故里盤餐潔昕夕
俯仰甘沒齒事畢復出山意亦非所喜歸田竟不遂鳴

呼草草死

士生不宰相則當爲諫官清時何補益或可披琅玕前
年預考選王貢纓交彈誰知一階轉竟抵蜀道難世皆
豔靡仕君獨趨窮酸當其通籍初酷愛條冰寒神山風
引去此恨終漫漫君由庶吉士改儀曹旣奪鳳凰池復慳獬豸冠
斯豈熱中輩命分久所安區區不之昇天道良可歎我
薄宦遊念因君興夏闕窮通何足道堅白要自完耦耕
乏老伴矯首涕洟瀾

歲暮雜詠六首

無聞條已四旬過莫漫誇張鬢未皤善病有官甘蹭蹬
長貧何事不蹉跎黃牛峽路存全少蒼狗雲衣變化多

幸得閒身投散地醉鄉容我且婆娑

容易抽身竟卜歸流連寸祿素心違尙叨人爵爲中隱
難必天文現少微大海鯨魚從跋浪小山桂樹早成圍
殷勤寄語巖棲友未可輕拋荷芰衣

也想高帆劃巨桅卻憐病骨漸摧頽厭齋祿命生原注
煨芋功名志久灰那有雪兒歌好曲併無車子借餘財
商量木雁人間世或者全生免禍災

每笑人心太不均就楊去墨只知身娶妻未要如私婦
生子偏防似厲人曲突徙薪忘上客爨牆注潦黠比鄰
試教易地參愉戚定有宵光耿嚮晨

陸機賦罷有餘悲親昵喪如接踵追歷歷疎星還幾點

滔滔逝水本無涯單張內外爲均死凡楚存亡定孰知
那得不憑齊物論寢門嗷嗷亦何爲

臥輪幾弗辨西東同在塵埃敢目空儒宦不關天下事
貧交猶講古人風千門暄暖春方轉九陌晴明凍正融
足遣老夫破岑寂鳩車竹馬鬧兒童

皇上肇建辟雍釋奠講學禮成恭紀九章

和風鼓橐籥闔澍膏萌芽堯民多壽考軒紀長增加錄
圖粲五色輶券披十華惟

皇膺寶錄建極運斗車朱萸葉有艷瑤筐源無涯推策
協犧氏作人邁姬家辰暉杓北麗星彩弧南斜

大椿根輪囷紫芝秀華淑一堂邕太和

五世臚百福噉旭晶祥暉靄雲奏音湊慶族麟振定趾新
鳳翹羽儀郁斂錫在

聖躬重申自於穆允矣禮度文大哉 名壽祿因之建
非常鉅典三代復

惟夔典清球惟鼉諧靈鼓旋邱臨魁三象天近尺五發
引逢其源璧環做厥戶締構若待今考圖仍酌古尙祿
顏巷通穹窿賜垣俯虹梁面面跨魚藻絲絲聚 奎章
煥日星雲棟翕風雨

上丁駕翠駃大丙陪珠鸞沕穆遠聲應雍容前載鳶奏
公卑在領育德象出泉石鼓翽霄迴戟門飛彩鮮恪整
祇 駐輦周折安停瑄三獻禮秩秩萬舞儀僊僊屠維

記釋奠復此舍菜虔

乾隆三十四年己丑文廟重
修告成 上曾親臨釋奠

官牆千仞密樞極萬流貫 講筵奉卷帙經席發疑難

一一遊

聖門喁喁仰 睿斷放勳其有文游夏莫能贊奠絕階

兼梯迢遙畔與岸善惟五倫止健實百爲幹 敬德懋

緝熙乾綱握象豕

講章題四書爲爲人君止於仁爲人
臣止於敬爲人子止於孝爲人父止

於慈與剛人交止於信易經
爲天行健君子以自強不息

列聖重儒術方策炳上儀我

皇觀揚曄溥海聲教彌觀文旣成化恆久乃罄宜木鐸

振道路金桴探瀛漚 臨雍肇初載考室當昌期時雨

市槐潤條風壇杏披小大樂于邁隘彼東魯詩

銅鑲綴鳩杖玉漉滋虬松先庚宴酌海千叟環呼嵩養
老昔爲陋論道茲其宗冠紳匝序肅巾卷圍橋重服膺
君師教提耳庸凡蒙惇修在三誼精勵已百功 恩賚
况優渥學舍霑膏醲

權輿溯靈臺景爍光京鎬於樂振鐘鏞攸同遍洲島洎
乎漢永平亦復禮搜討三雍踵鴻規億萬詡鳧藻見漢紀
事從唐宋闕典必

聖明造遺型參膠庠繆說闢夏老恭見御製文首善自京師

一以貫者道

渚柳映子衿林花渲 仙仗壁府規森嚴黌宮象昭曠
雪飛渥澤滋雷動羣躡暢治盛華斯增制因舉則創汲

縷修途綿嚮葵淑氣漾誼軌摹難工文撫擴無量鞠脰
效軒驚蹈舞譜喁唱

西苑對雪口占五絕句

時方大考翰林以
次引對聽候黜陟

遠近高低各不同夾隄雙鏡暖沖融水晶宮闕琪花樹
盡在春流盞盞中

花飄先著

直畧切

謝莊衣鵠立彤廷晝漏稀鞭策素鸞笞

白鳳幾行摧翮幾行飛

節近春分淑氣催眼看次第百花开

上林深處回頭

望誤認山桃作野梅

憶昨圍橋聽

講時瓊霏霑灑遍階墀侍臣兩翼齊翬

抹先誦

君王喜雪詩

上於御講殿前先製喜雪詩頒示羣臣

去冬三白醜膏闕天遣華滋入地深農愛麥苗官愛景
一般恩澤兩般心

西苑退直借陳伯恭中允萬壽寺元武廟看白

皮松遂游釣魚臺

清明寒食柔風和芳郊處處堪婆娑三分楊柳七分水
禁園占得春光多春光召人人自醉樓臺况復紛駢羅
吾曹休沐優尋覽游韞相約驂駟驛琳宮紺宇夙所歷
是中縱枯雲天摩縑衣黃冠俱不顧闐然徑入無譙訶
獨與蒼髯翁揖讓或仰或俯或側頗七賢倚嘯毛髮動
四皓離立紳裾拖

萬壽寺七株元武廟四株

霜皮鐵骨走雷雨神行

仙步迎瑤儼濤聲鈴語相閒苔置身疑在巖之阿暫時
跌坐聽天籟肅穆已足驅愁魔聞有釣魚臺遊屐恨未
過金章宗昔移輦輅王飛伯亦藏軸適邇來奉 敕教
濬治水勢十倍加委蛇花園村邊迤邐入忽見傑閣森
嵯峨登臨萬象得要領圓覺一鏡開新磨上流併導香
山寺下開分醴通惠河澄泓豈惟浴鷗鷺浩渺直可蟠
蛟鼉層層活皺風力鼓軒然而起揚洪波惜無漁人下
簪網亦少舟子操扁舸其西純浸紫翠骨畫屏疊疊奉
烟蘿濃施螺黛秀眉靚薄含醇耐嬌顏能大隄蜿蜒蒼
龍臥句其上連岡屬阜兼平坡不知蓬蓬何物照骨鬚
綠楊極望多於禾青絲步障萬重列烟條露葉風枝柯

桃花欲謝尙如火下有細馬佳人馭得非劉阮初入天
台洞玉沙瑤草迷仙娥倚白石藉青莎子擊缶我當歌
眼前塵夢一刹那季真不用乞鑿曲杜陵枉自誇漢陂
烟霞曠景近在十里內廿年不到真蹉跎從今有暇來
如梭足可濯頭可科放浪形迹捐白窠風光不禁客來
賞客若無情柰老何

三月三日欲修禊郊外不果遊法源寺歸客散

悶坐集蘭亭敘字成詩五首

今日此天氣詠觴有是夫未能修故事或可騁清娛靜
趣隨時寄幽懷與世殊春風雖管領得視少年無

爲樂當及時流年斯足悲形骸長自外懷抱少人知初

地期於向諸天信所之春陰林次合攬帶快相隨

欣欣觀萬化列列感羣賢湍曲觴齊引亭陰坐每遷死

生同惠契修短悟彭年遊興因之倦

本卷字

永懷山水弦

傷昔年遊作竹君魚門綢堂南雷諸君也

遇合雖云左斯文其舍諸靜觀猶自得同類況相於流
攬人閒世興懷古昔初此生無一事錄述可能虛

俯仰一天地悲娛自古今懷哉故山室茂矣及春林會
暢崇蘭氣終趣修竹陰豈因禊期至蹇向水閒臨

南雷歿後其子

守忠

以所藏石田江天清曉卷

見遺感賦

君家兩世直承明賜書賜硯藏經籙金題玉躐夏收弄

烟雲過眼紛縱橫一從人去琴空在想像風流應未沫
賴有兒能讀父書不隨家具尋人賣我慙牀上踞龐公
道是當年賞鑿同山雨堂前花發候澹俱齋畔月明中
酒壚寂寞詩腸斷几上何來沈周卷縑籤八字認君題
不用丹青問眞贗手澤摩挲定幾秋前期舊約倘堪求
者邊溪共投竿釣此處山同著屐遊今日江波流汨汨
送君只有南歸紉迢迢休更說江天山川亦是無情物
昨向花前弔醉魂歸來披賞弄斜暉卷圖亟置青箱裏
莫遣潺湲染淚痕

海棠

照徹林光乍欲然半含瑞霧半籠烟一痕笑靨胭脂溼

萬箇明璫鞅鞞鮮爲雨倘來巫峽廟避風合住四禪天
玉妃扶到闌干曲春睡春愁總未捐

荷包牡丹十二韻

卽當歸花也俗名荷包牡丹

拂拂玉胡蝶盈盈金步搖小垂風態軟薄醉露痕嬌那
有光堪奪都無恨可銷不成閑笑口略解舞纖腰寫月
侵羅幌含烟傍綺寮密情當酒近踈意背燈遙紅豆延
籬弱朱藤壓架驕叢鈴懸箇箇么鳳挂條條漫擬騷人
佩從教繡女描化工因肖葉國色竟齊標睡豈頭扶重
舉應肉串饒胭脂憑買取未必畫妖燒

惜花行二首

步履隨郊原東風濫花柳遊人癡若雲春色濃於酒舉

酒殷勤爲判春只願此杯不離手人無百歲看花期花
得一春長好否滿天芳意屬流塵匝地穠香歸敝帚摘
樹攀條枉斷腸迎繁送謝空搔首不如閉門還獨坐免
使眼前增愛醜惱恨多從恩愛生無情恨亦從何有

翰林前輩王庶子

露仲

胸有邱壑無塵埃去官奉母事小

築樓臺高下山崔嵬空庭老樹得八九其隙花竹縱橫
栽昨來邀我遊正好逢花開碧桃爛漫紅映肉佳人中
酒那忍佞尤愛東欄一株雪意欲欺李兼忘梅風光人
海一家占對此得不傾深杯察其平生友乃是沈南雷
年年花下醉今日安在哉勸君此後莫惜花花誠堪惜
去復來汝若惜花花笑汝幾曾老死還嬰孩有意惜花

先自惜但須飽看花多回百年三萬六千日日日秉燭
休遲徊

種桃小盆內二首

種桃小盆內著花顏色鮮舉體自充悅文彩何爛爛移
來書案側一笑欣嫣然芳榮曾幾日萎謝不成妍卻顧
牆下草綠意正迷漫節物固如此時過安足歎

種桃小盆內花過曾不實棄置東牆隅那復成行列空
有青枝抽復見綠葉茁長恐霜飈至零落隨老物明年
復種桃種桃亦易活徒充耳目玩能得幾時悅

四月七日鄭秋浦侍御招同朱篠庭王葑町及
家簡田兄小集皆壬戌同庚也葑町有詩次韻

相看鬢髮欲蒼然那有閒情逐少年真率會因同甲舉
清和節好得庚先不須蘇沈詩愁敵東坡送沈遠赴廣南詩嗟我與君皆
丙子言同齒也未必山王袂許聯各保歲寒無恙在或趨朝鼓
或安眠

晨起插花

長安芍藥花香色兩俱備豐臺勞出郭跨馬亦僅事不
如擔頭買羅列瓶盎器汲泉注泓澄日日佐清閱然而
几席閒亦須善位置一經僮僕手叢雜輒無次曉起無
所爲於此証畫壽沒骨妙歛斜豐肌任沈醉有時欲近
人乍若不勝以左右相顧笑高下各含思綺靡得詩情
蕭疎取畫意溫馨漸漸透芳片徐徐離中間著老夫不

異繞珠翠醒卽對花吟倦卽抱花睡人生消受處多自
辛苦致爲花忙亦閒清課那辭累

題畫二首

憶昔南行過閩嶠茂林蔥蒨重山階霏開暝闥縹緲聞
盡日浮嵐畫難肖竹雞相喚鷓鴣啼流水無情下建溪
當時遊覽腸空斷今日披尋眼轉迷

雲過碧澗灣泉落蒼巖罅空谷斷行蹤修橋誰所架有
人讀道書茅屋長松下

蔣心餘前輩輓詞

君相皆知已飛騰命不猶官能終七品詩早占千秋氣
槩真無敵平生只浪遊莫論交厚薄誰弗涕橫流

夢儀弟

我未識汝聲汝未識兄面呱呱何物啼夢中乃一見不
能將汝來寄書又不達斗粟一尺布誰復相存活樓前
小桃樹是我舊遊處汝來戲其下彷彿牽襦袴黃鵠東
南飛兩翅大於輪孤征逐羽翼墮地還踈踈輾轉牀席
閒燈火背窗暗攬衣起尋蹤屋角殘月瞰

招秋浦諸子集寓齋時秋浦已罷官陸樸堂學
士初預會卽席疊前韻二首

芭蕉旛颯石榴然永晝陰沈似小年賒遍鄰酤嘗恐劣
袖來詩句睹爭先海雲會逐江雲散今雨還同舊雨聯
激澁各宜判百罰未妨歸騎水中眠

推詳日者豈云然榮落生辰共此年文賦我甘陸機下
樸堂以大考第一直聳人識鄭崇先鯤鵬路杳風難借
由編修擢今官

鷗鷺波寬夢可聯相戒更休談往事淵明已醉且容眠

爲梁鐵幢中丞

敦書

賦垂雲石

中丞生長湖山窟藩屏移官依魏闕愛山不得踏崎嶇
樹此一拳蒼翠骨玉盤盂中漱碧瀑垂雲錫號抵玦環
當從泰山割截得竹爲霖雨敷人寰粉牆橫榜三大字
意欲向客誇靈異傲兀北面踞中央入門不敢正目視
乾泰寺前大道旁長姬舞袖翩然翔自從媧皇補天日
遺此餘煨雲根僵蟲穿齶蝕人不顧中丞一見神飛揚
十夫輦致位庭砌前兄後丈相低昂似歎仇池太孤寂

壺中九華遠，購將又如低。眉老尊宿侍，以天女瑩明妝。
中丞好石兼好客，日召鄒枚對雙壁。筠簾槐幕自空涼，
芥子須彌誰偈仄。我向尊前下轉語，畢竟故山山可憶。
牛貪米瘁移不去，神剌天鏡翫無跡。大觀臺下嵌玲瓏，
小有園中出巖積。干鸞下翥龍井滑，萬馬羣奔鷲峰側。

斲硯歌

紫雲誰割端溪濱，修廣二尺形輪囷。珪方矩正制古樸，
匣以髹漆包以茵。明窗大几風日靜，鋪紙徑丈揮烟雲。
硯乃受命供驅使，材大不屑蠅頭勻。一朝池邊忽蹉跌，
遂與兀者同遭迤。生蛟鼉被利劍，斫牙角缺齧餘創。痕
但有碎璞抱荆卞，竟無完璧歸貪秦。便擬撥棄復把翫，

伐毛十載曾書勲有時置向斷簡側相視莫逆桑戶親
有時置向顛几上以跛返跛齊庭賓裂冰解瓦漫惆悵
聯膠附漆空殷勤摩挲卻省受墨處升量凹聚無罅紋
尊足者存百何害小缺未必傷天真硯乎爾且反其職
焦琴折劔還足珍不聞東坡龍尾說蘇子亦是支離人

仙人掌

植物之中乃有此不枝不葉不花葉何人戲試累碁手
倒植芭鞵森見底一片垂盡一片生碧玉版可撞彭觥
相其面背了無別再接再長去聲紛縱橫我昔入閩初見
之謂是王喬所遺履柰何偷形華嶽閒亦復竊名漢宮
裏沈吟一笑復欣然世閒福地多洞天倘許截來安我

袖相與共拍洪厓肩

蘋花

蘊碎嬌黃颺牽柔弱翠拖鶯羣眠處好魚勝暖邊多榮
落同朝權浮沈委逝波汀洲風日晚柳憚欲如何

同人集簡田兄寓齋再疊前韻二首

飛來鸞鳳各迢然記取鶴原比翼年資望同叨三館右

編檢資俸無出余右兄近以
大考前列記名首擢輩行羞說九科先兄以辛丑
選館凡後

科九貨居廡未東西接對客牀應上下聯偉節自來殊

虎怒盡子忍切容我嬾過蠶眠

種樹還如種德然成陰不計淺深年地偏筍簞招涼早
庭敞花闌得月先尙有做廬濱海在不知歸轡幾時聯

田閒縱少交遊樂未失姜家大被眠

食蝗歎

堯湯水旱不可測天心慈愛

皇心格深宮宵旰盛憂勤天胡流災到近域傳聞河北
早連年濱水下田龜兆圻癡龍貪睡籲不應一望茫茫
千里赤山東幾州乾澇繼山西幾郡倉箱積朝廷蠲
租兼發賑欲出水火登衽席皇天后土罔鑒臨仰食何
如自食力楊柳樹枝無完膚蕪菁草根無寸碧去冬雪
花不蓋地蝻孽潛生羽策策旣無耕稼安用撲飛去飛
來蔽天黑蝗之初生蝗自樂只道青蔥遍阡陌豈知草
樹亦焦枯但有黃埃不能喫民飢得荷

仁主憐蝗飢斷無天公惜未幾跼跼盡墮地車載谷量
紛狼籍嗟汝蝗冀食民食餓死民翻救殘息平時殘民
逞所欲今日暵汝理亦得勿道官無入境憂只愁民有
飛蝗色

露坐三首

銀河正森漫璧月方徘徊我坐東階下飄然詩意來
小兒強解事故把流螢拍愛他開闔閒微明出幽碧
居雖鄰市塵夜靜氣逾爽不聞車馬聲但聞冰盞響

悅親樓詩集卷十五終

門人王蔚宗校字

悅親樓詩集卷十六 起乙巳六月盡一年

海寧祝德麟止堂

古今體詩五十八首

苦熱四十韻

人生處大瘧奚自解天發豈有血肉軀而或勝煎熬恢
台值火令炎官權正操祝融助其威下土蒸煮蒿黃昏
露坐久枝靜無颺颺夜氣作牛喘尸眠聽雞號平明仰
天宇駭犖雲霞高羲和操火鞭礮礮萬丈毫斯須騰普
照赫赫金烏翱林疑燎叢薄草恐燒亭臯臥虜但甜舌
飛翰將燁毛元綈苦噎喝蒼翅工撻撓棚檟虛竹葦簟
設空翦桃盛冰滿盤匝銷釋不堅牢汗如初沸酒滴滴

珍珠槽褫葛背猶炙揮紈腕實勞倦足篠藤跂短髮茶
蓼薺煩襟思浴沂逸興擬觀濠消遣竟乏術引領佇甘
膏有時雷風薄勢挾江海濤廉隆作雄陣飄灑失周遭
雨過夏歔鬱欲避無舟船語云避梅莫如舟居如湯
鑊裏坐爲眾熱所不到晝

長抵終歲赤羽何由韜朝餐不能喫安論傾夕醪嗟彼
謀生微嗚道積肩挑下離蔬果物竟日煩呼嗶夏有畦
隴夫首下高其尻爲芸圃臺筮引漑翻桔槔我無內熱
病兼又冰銜叨輾轉不堪此何況食力曹冷交三兩輩
偶來散鬱陶圍棋賭勝負品畫叢譏褒險怪詩韻鬪諧
笑談鋒鑿脫略謝縛束和易平牢騷汲井共收編副音
瓜同鼓刀雖非互谷聽略比寒門遨所慮熱客至爛漫

具冠袍開口論世事析利窮秋豪形骸既齷齪言語徒
囂囂無以禦此客吾其踰垣逃

佛手柑

幻出黃金相纖柔亦號柑善根何自植真諦好同參直
是拈花笑非關豎拂談讚揚宜合十接引待薰三捉搦
歌休續玲瓏節試探開拳鉤弋喜喻指漆園諧偶現兜
羅輒全分薜蔔穠種原稱勝果供合傍精藍驢腳形空
別獅頭品或慙聞思一彈頃錫貢厥包堪穰稱茅蕘秀
漿輸蔗本涵龍團點尤雋蜂蜜漬徒甘嘉橘愁淮北香
櫟鄙嶺南須知菩薩縛禪味戒深貪

金魚

波井注淙淙文魚戲碧缸翫纔充耳目志豈託湖江尾

叔分三五頭駢類一雙凸睛龍睽睽張

去聲

腹卵脰肛作

作星芒射斑斑錦彩危嶮喁牽荇帶撥刺近芸窗接雨

浮齊闖窺人去轉降登門雖自絕漑釜亦無雙閱施青

精飯相輝絳蠟缸南屏玉泉寺吟興寄鄉邦

坡詩我識南屏金鱗

魚又杭州玉泉寺金魚滿池五色畢
備一種翠藍者尤奇朱竹陀曾有詞

得雨邨綿州道中書卻寄

嘉陵江深通漢洋子規哀啼猿嘯長棧雲閣雨四十舍
西盡鹿頭東陳倉此皆昔時經歷路崎嶇險惡難爲詳
隻身遊此尙不易况挈家累齋貲囊君行三月未有信
令我日夕干迴腸晨興有客送書至紅箋淡墨字十行

上言道塗多艱苦中言離別多淒涼下言去家餘一宿
從此林下安徜徉納緘送客入還座悲喜交集雙淚滂
葉落歸根水到海羨君今日真還鄉雲龍相逐一朝散
可能再得身遊梁心懷擾亂歆榻臥夢中車馬臨輝煌
怪君身無六翮健何由髣髴來我旁入門啖君八百里
握手大笑三千場

次韻露仲灌花失足

樹背暉方茂垂堂戒木深澆培漢陰事跬步子春心諱
藥防親閔攜觴愛友尋只愁萊戲慣犢健更從今

和露仲齧花蟲

主人愛花心移種善培護人功勞鹿盧天澤仰雨露何

物彼磨蟲侵食竟黨附腎葉類戶坏牽苗作網布螟蟲
害嘉禾蠹載賊芳樹倘然聽不戒花立萎而仆既去復
鬪生旦夕煩搜捕瑣細枝節閒有手無地措蟲殲花乃
開庭檻耀姱媠雖能充悅翫未足報辛苦細思物化蕃
此理乍難寤謂蟲自外來蟲於花何妬謂由土性然遷
地則如故始知花固有自生還自蠹世閒甚美物藏疾
亦可惡所以樹德人去惡乃先務

連日送耦堂南雷靈匱出城暑雨之中意思鬱
邑感賦五言一篇

浮生一大夢公等特先覺誰能逃此厄強欲區毅豹穢
茲蛇蟬蛻鳶蟻食何較妻兒奉遺骸秉禮守名教反葬

古所樂首邱義當倣川塗千萬程曰歸覓藏去聲窮獨暑
愁炎蒸冒霖怖溽淖百夫舁廣柳薶露歌取鬧親知走
相送哀意殺稍稍但薦新牲醪不睹舊容貌死者長已
矣存者當檢校斗升甘盜竊尺寸勩功效嗟此一線光
過眼等電爆永懷故土閒雖乏薄田礲有酒槽可壓有
魚淵可罩好趁腰腳強急放潞河櫂

楚撫陸青來引疾乞休昨得其手書卻寄四首
整頓封疆局如公復幾人

帝方深簡畀天遽嗇精神食鼎非初抱懸車有夙因一
函移疾疏太息動 風宸

獨立誠何懼先憂或致疲虛能收眾益清到畏人知涕

泗環遮馬謳歌當樹碑瀟湘秋水闊膏澤與無涯

曾讀陳情表

公於東藩任內請養

還畱錫類箴

疏請勒令合例見內外官終養

幾當日事正物大人考叔孝不匱康成書是淫望高身已乞著述又從今

昔移長水宅一櫂每過從

公本吳江人近卜宅嘉興家居日時

還往

昨得

夢

平聲

中信楚雲深幾重菱湖剝秋角稻

熟冬春嚮往

嗟何已終尋豹霧蹤

苦雨

立秋已一旬晴日無隻兩元陰四郊連潢潦千里廣晦冥溽氣結窺視日光罔當午忽如昏既旦未覺昉初來乍澎湃稍定復搶攘疑驅錢唐潮孰弄武庫仗隆隆走

雷陣滴滴綿漏響，黓衷去聲衣裳泣淚汪。礎礫巢禽飢

不飛枝，蝸喝難強。苔花綠夏滋，莠草腐仍長。犖牆遍貼，
墮蹄道皆漉。沆果蔬罷擔，輦驟服畏羈。鞅餓夫絕餽，送
比鄰斷來往。孤眠耳淫淫，危坐意惘惘。何當伏潤收，頓
遣秋容朗。秀隼豁陰屯，風颺薦商爽。街衢行坦夷，字幕
益高敞。幽踐庶可尋，殘荷猶及賞。所嗟赤子儔，實賴蒼
天養。雨暘苟失調，口腹將安仰。傳聞旱暵區，直接東南
壤。何不移滂沱，坐使變豐穰。

南雷啟殯其夫人哭之慟三日而歿是可哀也
爲製輓詞一章

穀則同室居，死則同穴瘞。夫婦之大常，何與人間世。沈

中興本集卷之二
君爲望郎含香事明光家務悉禁斷鉅細資糟糠夫人
林下風舉案卜偕老相賓如山妻贖釜異邱嫂一朝大
運傾寡鵠吞悲聲半年不夜哭一哭幾崩城君有四男
子昏娶齊長大君有一嬌女乘龍早得配勸酒青燈前
攜手明月下此景尙分明那忍遽拋捨生前小別時思
君我心痲哀哀未亾人不亾更何待反喪撤幽御是日
雨如注肝腸久已摧魂魄相隨去號咷送出門還坐中
堂前氣息頓不屬姆婢羣驚奔夫君遲去聲通潞竝匿歸
墟墓河廣江復深昔日同來路鬱鬱青松樹化爲連理
枝雙鸞自翔集千載終不移

青來開府輓詞二首

引疾方陳疏言懷乍寄詩蛇年真有厄鵬舍竟長辭

公本

於長沙

國史循良傳輿情涕淚碑吾儒崇建立原不在

新奇

風雨京華夕菰蘆秀水邨黃雞綠我殺白馬欠君奔祿
未叨分潤文兼闕細論祇因公道在霑灑問乾坤

懷菊溪扈從熱河四首

避暑年年駐 翠華塞垣風物足清嘉有人行祕書蒙
賞

帝後爭看第七車

天章廢和各揮毫進御何人調最高忽得夜珠明月句
闔班齊讓著宮袍

馳騁長楊羽獵才初春第頌出羣來夏綠應制詩篇好

親對

天顏日幾回

時以和詩稱旨召對

薪積無如翰苑官等閒飛上別枝寬

天稱李嶠眞才子未必教移鐵柱冠

時將改官御史

題吳梅邨集

飄蕩心情綺靡詞初唐風格動人思漫歌周室離離黍
誰采商山畦畦芝江總持歸頭尙黑庾蘭成去淚空垂
只餘野史亭中筆吟遍前朝未了詩

同人分詠都門古蹟得延壽寺

是宋徽宗畱寓處

花石綱來社稷捐寓公瑣尾到幽燕江山南渡隨泥馬

泣涕中原拜杜鵑幸免青衣行酒辱并無同泰贖身緣
琉璃殿畔千年寺長使遊人感逝川

約軒中允以所著傳經堂詩鈔屬余甲乙既爲

評騭復誌四章

高談康濟廿年餘赤鑄峰前渺故廬此地山川如白下

斯人風骨類黃初旬宣邊徼權開府

君爲黔藩日權撫篆者二載侍

從甘泉老校書歎歷愈深心愈壯耽吟結習苦難除

獨探孤詣有誰知家法眞能替左司丹到九還方是藥

肱經三折乃成醫彈丸脫手流圓美明月當頭照坦夷

心恐百川瀾欲倒好憑柱石障東之

樽腸卷籍夙縱橫鍛鍊才華老更成麗質自天非愛好

傳人從古不爭名春雲靄靄論風度秋水潭潭見性情
當日知君何太淺只疑應奉冠承明

異世誰堪定文者伯牙容易子期逢皮毛竊喜窺全豹
鱗甲原非好畫龍未必分明雌霓字敢云唐突越姝容
賞奇亦有疑當析下體知難棄菲葑

遍遊城西諸刹至法源方丈茶話遂從秦漪園

昆弟小飲示同遊諸子三首

不雨少塵霾清光亦快哉相攜二三子佛地共徘徊殘
日一聲磬秋風何處臺空王逃世劫亦有廢興哀

變幻觀音相

慈仁寺窰變觀音見孫國收燕都
游覽志今猶存有御筆題識

莊嚴母

后容

明孝定李太后像號九蓮菩薩向藏長椿寺中

現身緣亦偶教子德終凶

雲海騰金碧人天蹴象龍

善果寺五百羅漢明姚太監造刻木爲耆闍崛山散布於

上周四廊廣可六十楹設采塗金備極工巧

盱衡聊一嚇重爲弔雙松慈仁寺雙

松樹不止雙而抵小當非故物

苔逕法源熟飛囊霞外明鴉歸羣木立客至一僧迎鐺

底分焦飯

寺中焦飯最得名

堂頭忌薄醲隔鄰堪乞飲絲竹況

陶情

時漪園兄弟吹洞簫茅耕亭度曲

肅王墳看古松次露仲韻

肅親王

文皇帝長子也克蒙太宗

古諸部平朝鮮收陝蜀殲張獻忠有大功後以冤薨

武墳在永渠門外東南三里

神交蒼髯翁出郭訪幽邃崇岡植如薺蔥鬱已莫逮一

株最奇傑天矯墓門外王有佐命勲宗盟申礪帶松先

宰木生隧道適逢會得王靈爽憑憑遭際亦何悔蟠踞豐
碑旁觀者互驚嘅是神所扶持其誰敢翦拜無從辨枝
幹遑復論年歲陀羅八萬臂節節周闐衛柏思丞相古
樹憶將軍大王乎宗翰儔松也秦封配一株當冢立盤
龍特爭怪橫枝正擎空入地忽懸挂垂梢翻作根既死
復斯拔屈伸離立閒幾許鬼工費當攜百榼來對松一
痛醉憑呼韋畢至無筆摹偃蓋乾坤得壯觀土勿時

顯晦獨有王維詩與松相行輩

糖燭栗

礪砂黑似鐵崖蜜漸漬之和栗入翠釜翻覆攪不疲生
熟均子母光澤含膚肌黃中遂通理解脫無黏皮誰能

傳其祕汴州李和兒燕薊產最美方法今未墮街頭一
燈賣酒客先朶頤以之飮盤筵剝噉甘如飴馨香自發
越不焦亦不疵堪儕煨芋味恰趁持螯期良朋夜促膝
燠室深談宜區區論日實雖旨安足奇昔年讀遼史微
物寓良規蕭罕嘉努卽韓家奴今改譯言可以家國爲

王昭君

禍始韓安國和親議遂成妾身寧足惜國體得無輕圖
畫宮中貌琵琶馬上聲傷心沙漠月還似漢庭明

課僮種菊二首

乾坤含淳和獨於菊是貺芬芳到莖葉臭味等鬱鬯月
令紀黃華中央稟氣王天姿最高潔霜始降乃放自從

人心爲造作十錦樣翦根旅蓬蒿渲色排缶盎譬彼驕
貴姝氣體移居養珠玉及綺繡妝飾窮百狀豈不炫耳
目眞意已全喪不如擔頭買枝葉自疎宕亂頭麤服身
天然有背向秀采獨徘徊神情轉閒暢天寒翠袖女遺
世絕倚傍柰何貴賤閒聲價聽花匠

主人性愛菊當秋意延佇買花須扶培晨起課童豎竊
聞蒔菊法節目難覩縷清濁先釀泉肥礲夏選土儲種
候葭灰分秧及穀雨一糞再三糞孤挂交互挂惡溼避
淫霖畏炎遮酷暑摘苗了乃歧芟藥氣斯聚禁忌僻麝
檀竈賊搜牛虎皆菊
蟲名然後應重陽芳鞋垢眾媿我享其

榮華彼嘗其辛苦細人三倍利所獲非莽鹵酒瓢茶銚

閒花亦喜得所映日弄輝輝臨風效舉舉主人進一鷓
采撥澹無語馨香未盈把轍手念徒侶行當召嘉賓籬
下衍旨階殷勤善護視餘瀝且逮汝

書文心雕龍後二首

大哉天地文六經實麟鳳曾經聖人定孰敢相伯仲自
從戰國來椎輪肇屈宋一變爲離騷再變爲賦頌繼起
著述家體制日益眾要其指所歸典訓乃大共先河而
後海原委非鑿空代遠文漸夥散雜罕甄綜仲治論流
別士衡賦操縱銓品得大凡情變未盡貢有梁劉彥和
彩雲夙協夢著書五十篇理粹鑒亦洞次第品前修臧
否罔不中上篇文體賅下篇筆術重練采先骨樹述情

必風動片言既居要杼軸無旁縱至其卓然處聖道爲
折衷朔河及崑崙考室得梁棟心取揚雄聲藻豈騁爽
弄允宜傾沈約亦克廣蕭統獨聞儒通經所貴在致用
郊社享犧牲易以蔬果供斯豈先哲訓敷陳得無憯時
會溺沙門其書則可誦

三代迄天監中閱八姓夏堂堂六籍外縹緲未充盈況
經秦火燔燼餘零星文由兩漢盛詩由魏晉興汎覽
易爲力去取易爲程乃知古人幸恨余不早生試觀劉
子後陳隋歷元明號稱著錄者千萬家而歲一日十行
下涉獵愁弗勝自非博反約何從撮其精森森翹秀中
略舉世所驚文如韓昌黎詩如杜少陵倘令斯人見宜

何如服膺兩宋諸大儒吐辭必衛經薪傳貶漢學箋注
等書鳴惟史則不及莫與遷固爭然而五代論疎古亦
足稱生雖後千年美富什伯增彼有余弗闕余有彼弗
丁余幸又過之觀水窮滄溟屠門恣大嚼廣樂容細聽
官效何李輩矣庸致譏評惜無論古識貫穿資銓衡誰
能續雕龍余其再拜登

詠雲

下山重疊上天稀欲住無心欲去非只道崇朝作霖雨
誰知出岫已懷歸

寄懷家支寅春谷兩叔父三首

每向尊前憶步兵竹林風味草廬情已當諸老凋殘後

謂二四兩叔父 何況連年疾病夏滿篋詩篇餘涕淚故山雲臥

起聲名弟兄和樂高堂喜此福人間不易并

傳聞澤國災因旱珠桂千家食少糜不是 朝廷加德

意其誰寬貸恤窮黎時有緩征浙省 恩旨 有年尚苦飢難療無

米空言巧易炊為想舌耕馨爾膳循咳菽水亦怡怡

行去聲別尊卑跡驅蛩豸惟書塾習兒童雲門寺裏同懷

古華嶽州邊助采風見時與叔同學余掌教 萬里關山視學關峽皆邀同往

河春夢短三廳官職老儒窮先塋宰木知無恙多在殷

勤料理中

送陳涵山還杭州兼寄越中同學諸子四首并序

涵山名秋水會稽人余主教蔽山時授業弟子也

少孤其母夫人教之成立敏而好學工書能文而
艱於一第以選拔授仁和司訓上官器之列諸計
典卓異到京格於新例不得引對乃還本任仁和
學舍余爲諸生時從陳敬齋先生遊居此最久先
生其族尊也歸道山已十年矣迴憶鼓山承乏之
日諸生握衣升堂踰踰濟濟今南北睽隔非公車
謁選則無由相見者昌黎云思元賓而不見見元
賓之所與則如元賓焉於其行也百感交集不能
無詩

豈有鸞湖教掄才子最奇無慙高足譽合讓出頭時學
是韋紗舊官非鄭鬢衰科名雖未遂年少作經師

學校通民社三年報績殊官聲居上考行色首長塗閩
闔門難謁鯤鵬路豈迂休嫌餐苜蓿落手有西湖
學舍小如舟陳蕃德望優先生今棄世當日我從遊故
物青氈襲餘風絳帳畱夢魂難忘處池碧竹修修
采葢山岡社前賢教術尊懷哉念臺遠歸此講堂存草
木皆堪敬文章實媿論斐然二三子好在各尋源

耕亭過論詩

我怪京江茅庶子不貪官職只貪詩每因一字難安處
吟到三更渴睡時怪石貞松幽澗骨鸞旂象輅廣廷儀
金鍼工部分明度轉益多師是汝師

西施五首

一笑賢於十萬師。水犀軍力竟安施。會稽嘗膽臥薪日。
正是吳宮歌舞時。

于役三軍懼豈無。破瓜身敢奉強吳禦兒。北境分明在
底事。輕誣范大夫。

未識春趺幾許長。弓鞬從古欠評量。若非玉筍纖纖裏
奚取聲流響屨廊。

宮花飄出館娃殘。傾國傾城再得難。莫道玉人聲價重
西施只要一錢看。

何處溪流記浣紗。舞衣親爲破夫差。功成亦解逃烏喙
畱取芳名在若耶。

寒夜詞

中庭寒月霜色迷飄風刮地妃呼豨老夫罷飲無所爲
案頭短檠三尺依一編披吟百不知咿唔聲作秋蛩悲
有時得意朗諷之又如袁宏牛渚磯家人竊笑疑我癡
誰歟椎髻梁鴻妻身榮邑號膺副筭勿貪綺繡拋翠瓊
手持刀尺工裁衣來趁熒熒燈燭輝終日不接山河睽
宵分隅坐星月隨長女苦瘦小女肥大男身高中男低
料量布匹尺寸宜穠纖修短稱物施穿鍼緝線捷若飛
婦功可尙熟則治文章之道亦若斯媿余製作殊難齊
小婢觸屏倦不支牆東啜啜鳴初雞

捨鬢詞 井序

京師宣武門外管子橋有楊忠愍公寓廬都人士

卽其址新之爲公廟自佩觿櫛筵以至麗牲之石
罔不將輸恐後獨崑山徐墳截已鬢以飾公像亦
奇舉也乃爲作詩

丈夫誰不生鬢錯榮落尋常等秋草獨有千秋忠義人
一毫一髮皆堪寶楊公之死二百年楊公之骨灰寒泉
楊公之名光日月至今冤憤人心填宜武門西公寓廬
因之立廟像設儲豈容馬尾污口頰薙鬚乃有崑山徐
我聞康樂臨刑廣海日于思曾施維摩詰亦聞婆羅說
法色相空捨身剜肉結願重平居無事非佞佛竟爾剪
截付塑工辭子之領入公頤凜然生氣根莖充嫉姦撚
捋知頻折憂國年深應似雪想當草疏數罪時蝟磔戟

張森熱血見公何必在楹櫺慕公何必因鬢髯忠盡所
感有如此令人興起甘天閭路人瞻拜冠裳擁靈風颯
來長鬣動廟前誰更捐烏金鑄作賊嵩長跪竦

冬至後一日雪簡露仲

妝點天葩滿鳳城霏霏瑞應一陽生想當冰硯敲詩際
獨聽風檐壓竹聲貂鼠馳羹賓座暖角鷹羽箭獵場平
世間豪興知多少輸爾幽窗徹夜明

明日霽過愛吾廬賞雪二首

獨往訪幽人殘花膠凍展高低迷積素把酒對泉石一
徑自分明疎林斷行迹

庭中古樹欒檻外鄰櫺亞碎玉賸了又寒光混閒架炊

烟淡欲沈鴛鳥窺人下

題聲畫夢游圖爲陸磳士侍郎

井序

磳士夢有人以畫卷索題得詩六句而寤枕上記
憶頗不忘失因卽夢中所見畫景爲圖屬同人題
句其詩云老樹夾門門向山溪流巧與竹林環飯
餘打漿隔邨去詩罷提壺逢客閒落日忽看黃犢
下輕風相趁白鳥還夢中讀畫醒來夢正在樓鐘
巷柝閒未二句乃覺後足成者也

逢山手欲摹荆關對畫足欲登巖巒一心變幻兩無定
況於夢際求真詮知君愛畫入骨髓題評鑒別無時閒
靈機冥契妙融會精爽忽入非非天昔年李青蓮夢遊

天姥山長吟逸氣陵塵寰雙腳雖未踏實地攝身恍惚
窮躋攀君今但向丹青看畫已假設夢夏空浪將綵筆
揮瑤篇不愁昌黎翁咀噍兼詰盤夢中占夢又作繪課
虛責有餘蹄筌眼前此境不可得五湖烟水空茫然茅
屋讀素書門外堆孱顏層崖疊嶂盡窈窕雜花細草都
嬋娟乘興攜琴翠竹徑有時打槩碧溪灣前卮沽酒去
落日疎林端道逢牧童吹笛返棲鴉陣陣隨飛翻鄉園
好景實髣髴無聲詩趣心魂牽僂當拂衣逕歸去眠鷗
立鷺盟難寒此福於吾輩造物非所慳君今振履躋崇
班黼黻容臺趨 講筵只合畫中問邱壑不然夢裏親
雲烟詩才一任逞雄鷺驚虛無所得爭流傳他年謝政繼

二錢

謂香樹太傅
擇石侍郎

還鄉之水真來還桃花春漲榴酒船

訪我龍里鷹窠間

二山名

玉堂金鑾夏說夢一笑共把珊

瑚竿

謁楊忠愍公祠

鳳皇在藪麟在郊棲於京者爲京曹自元迄今五百載
邸舍奚啻千牛毛此間湫隘幾弓地傳是楊公舊所寄
一廛高抵五嶽尊藉妥公靈修歲祭赫然廟貌不日成
妝塑面目端如生從祀粟主二十六有婦人焉三九羸
援公於難者刑部尚書王世貞而下凡二十六人皆附
食獄吏孫東渠之母間公被繫書諭其子令善護視公
書辭發摘姦隱慷慨激烈有士大夫所不敢言者今亦從祀後堂張宜人側
聖代褒忠禮
數越勝國諸賢猶不歿石渠寶笈遺像藏澹水
宸章

懸日月

公像入石渠寶笈爲上等
駕巡幸過保陽會製詩褒美

車死忠死孝尋常

理百世間風尚興起爲公餘樂在爽鳩筮日釀金重

去聲

經始回思兩疏批鱗犯何必蚌蛇始壯膽倘令疏入竟
鋤姦不過漢庭旌折檻殺公益足彰公名公豈爲名本
血誠編虎鬚遂墮虎口甘心不辭鼎鑊烹憶過容城拜
公像下馬薦蘋深嚮往公神如水行地中家鄉輦轂胡
弗同廟門洞達香煙碧卿士大夫來絡繹迎神送神歌
九歌魂兮歸來安故宅乾坤正氣本常留遺臭流芳在
自求不見當年姦相府至今人唾萬花樓

客有以近事慰余者戲荅

固知木石不能言屬耳傾聽亦有垣兩口毀譽仍季布

三期賢佞總王尊陳人久合推擠去後輩空餘描畫煩
我自著書稀暇日任他得鼠嚇過鷓

大雪磜士過訪

牽地簾垂凍筆呵門前轍迹定無多忽看車馬丹青落

喜聽詩篇白雪過

時誦新詩數首

宗派共探唐大厯範模因識

漢綏和

凡上設養壺一作羣龍雙鹿之文底問款識有綏和元年供王昌爲湯官造三十鍊銅黃塗壺

容二斗重

十二斤八兩塗工乳護級掾臨主守右丞同

守令賣省

云云四十三字未辨其器磜士一見謂此乃漢成帝時銅壺後人仿之作藝又誤以他壺文飾之口

腹徑圍皆與綏和壺不符載在宣和博古圖可証按之

信然其疑始釋霏霏玉屑清談久不覺當階又沒坡

悅親樓詩集卷十六終

門人施有容校字